

Aruba Lions Club ta celebra su di 40 aniversario

ORANJESTAD(AAN)- Durante un conferencia di prensa presidente di e comite di Aruba Lions Club, Dede Ruiz, a duna

un splicacion di e actividadnan cu lo tuma lugar durante e siman aki relaciona cu e 40 Charter Anniversary di Aruba Lions Club.



Na Caribbean Mercantile Bank e incansable Tecla Stamper a celebra Dialuna su di 20 aña den servicio di e banco. El a ricibi felicitacion di tur su coleganan di Caribbean Mercantile Bank y especial di Current Account Dept. cual ta bao di su supervision.

Cu mi Blas den mi man, mi a nace pa join
Tivoli su Ballonnen Optocht:

**EZEQUIEL RUFINO
MARCELO**

Fecha: 16 - jan. - 1988

Ora : 12.22 p.m.

• Peso : 4900gr.

Largura: 53cm.

• Papi cu Mami tambe ta bai cumi.
Rufo y Lulu Ruiz - Arends.



E exposicion '88 lo trata e proyectonan pa reconstrui tanto Playa como San Nicolas.

E arquitectura y infraestructura di Playa y San Nicolas lo cambia drasticamente cu realisacion di e proyectonan aki.

E exposicion '88 lo duna un bista con e imagen di tanto Playa como San Nicolas lo bai ta despues cu tur e proyectonan ser realiza.

Pueblo di Aruba ta worde cordialmente invita pa bin wak e exposicion '88 aki.

Lugar: Biblioteca Nacional di Aruba.

Fecha: Dia 21 di Jan. - 27 Jan. 1988.

Ora : E mesun orario di Biblioteca Nacional.

E actividadnan a cuminsa Diadomingo caminda den club Vianostura tur e miembronan di Lions Club Aruba hunto cu nan familia a festeha e 40 aniversario.

Ayera un delegacion di Aruba Lions Club a haci un bishita cerca Gobernador. Segun señor Ruiz, kende ta e presidente di e comision, Gobernador tabata hopi satisfecho cu e trabaonan haci pa Aruba Lions Club.

En total 12 organisacion lo ricibi un donacion for di Aruba Lions Club cu a destina 25.000 Florin pa esaki.

Awe 11'or di mainta miembronan di Aruba Lions Club lo entrega un donacion na Imelda Hof. Diarazon Fundacion Centro pa nos Grandinan Kibrahacha lo ricibi un donacion, Diahuebs ta Stichting Geestelijk Gehandikapte kind na Piedra Plat y Diabierna den Biblioteca Nacional Aruba Lions lo entrega un donacion na Fundacion Arubano pa Linguista Papi y Adapta.

Bloed Bank Aruba, Casa Cuna, Funari, Meals and Weels Stichting Gezinsvervangend Tehuis tambe lo ricibi un donacion.

Dia 23 di Januari lo ta e culminacion di e celebracion cu lo bira un gala diner na Americana hotel.

Pa e celebracion aki Aruba Lions Club Aruba a invita persona for di Estados Unidos, Venezuela, Curaçao, Bonaire, Islanar Ariba, Rotary, Kiwanis, Quota y varios otro organizacionnan.

E programa ta consiti di toca himno di Estados Unidos, Venezuela, Antiyas Hulandes y Aruba, invocacion pa Lioness Ada Croes, introduccion di e huespednan y palabra di bon bini, discurso di presidente di Aruba Lions Club Maiky Croes, discurso Jesus Maria Sanchez, Gobernador di distrito E-1, den cual distrito

Aruba ta cay, discurso di su Excelencia F.B.Tromp, Gobernador di Aruba, discurso di Promer Ministro Eman, lo recorda tur e miembronan di Aruba Lions cu a fayece y despues presentacion di donacion na Fundacion Anti Droga Aruba, FADA, Stichting Algemeen Bejaardenzorg Aruba, SABA, Fundacion pa Esnan cu Problema di Oido, FEPO.

Na e ocasion di 40 aña di Aruba Lions Club, un edicion especial "The Roar" a worde publica pa Ebby Arends. Un stempel cu e slogan "Aruba Lions Sirviendo Nos Comunidad pa 40 aña" lo worde poni ariba tur e cartanan na

Postkantoor na Oranjestad y San Nicolas durante 17

te cu 23 di Januari 1988. Tambe Aruba Lions a laga traha un "Lions Pin" especial pa e celebracion cu lo worde parti na tur e miembronan aki na Aruba y e visitantenan.

A laga traha un banner nobo den forma di e bandera di Aruba y su escudo y esun di Lions. E banner nobo aki lo worde duna na tur miembro di Aruba y esnan cu bishita e gala dinner y lo sirbi tambe como intercambio Leonistico ora Aruba bishita otro clubnan den exterior y tambe na esnan cu bishita nos.

Directiva di Aruba Lions a honra dos di su miembronan, Oscar Marugg y Elias Fingal como "Melvin Jones Fellows".

Melvin Jones tabata e fundador di Lions International y esaki ta e premio mas halto cu ta existi den Lions International.

Como cu Elias y Oscar ta e unico miembronan cu tabata gobernador di distrito pa Aruba y Antiyas, nan 2 a worde selecta.

Aruba Lions Club ta gradici henter e comunidad Arubano cu a coopera ora di fundraising pa yuda otronan.



Sra. Ruthy Vrieswijk-Bergen a entrega su disco 45 na Ministro di Cultura, Mr. A.G. Croes. E disco ta uno pa temporada di Pasco y e dos cancionnan tin como titulo: Bini den mi curazon y Strea di Dios. Ministro Croes a desea sra. Vrieswijk-Bergen hopi exito cu e disco y ta spera cu e comunidad Arubano lo sa di respalda e talento local aki.